



Ilulissat, 18. 05. 2016

Inatsisartut suleriaasiat § 37 malillugu, immikkoortoq 1 naapertorlugu matumuuna
Naalakkersuisunut apeqqut imattoq saqqummiuppara:

Naalakkersuisunut apeqqut:

- 1. Aalisarnermut allagartat assigiinngitsunut pingasunut agguarsinnaanerat Naalakkersuisut qanoq isumaqarfigaat ? tassa imaalersilligit:**
 - a. inuussutissarsiutigivillugu aalisarnermut allagartaq ?
 - b. tapertaralugu alisarnermut allagartaq ?
 - c. sunngiffimmi aalisarnermut allagartaq?
- 3. Aalisagartassiissutit inunnut ingerlatseqatigiiffinnullu ataasiakkaanuinnaq tunniutiinnarnagit, allaanerusumik aaqqiisoqarsinnaanera Naalakkersuisunit qanoq isumaqarfingineqarpa ?**
- 4. Aalisagartassiissutinik agguaassisarneq kommuninut nuunneqarsinnaanera Naalakkersuisut qanoq isumaqarfigaat ?**
- 5. Aalisagartassiissutit tamakkerlugit pisarineqartalernissaat Naalakkersuisut qanoq ilillutik qulakkeersinnaavaat ?**
- 6. Royal Greenlandip tunisassiorfiisa aalisariutaasalu pisortaniit pigineqarunnaarlutik namminersortunngorsarneqarsinnaanerat Naalakkersuisut qanoq isumaqarfigaat ?**
- 7. Royal Greenlandip kilisaataatai qassiuppat aamma inuttaqarnikkut qanoq agguataarsimappat, tassa kalaallit qassit ? nunami allamiullu qassit ?**
- 8. Aalisakkat qaleruallillu piariinggaanerusumik aamma naleqarnerulersillugit avammut niuerutigineqarnissaat Naalakkersuisut pilersaaruteqarfigaat ?**
- 9. Nunatsiini aalisarnermut aningaasaateqarfeqalersinnaaneq/fiskeribank Naalakkersuisut qanoq isumaqarfigaat ?**
- 10. aalisariutini assigiinngitsorpassuarni kaldesignal-it inissisimaffiinut piumasaqaatit naliersoqqinnisarsinnaanerat Naalakkersuisuit qanoq isumaqarfigaat ?**
- 11. 2016-imiit aalisartut immikkut 5%-imik tunisaminnik akitsuusiiffigineqarnerat maannamut landskasse-mut qanoq isertitsissutaava ?**

12. apeqqut 11-mut tunngatillugu, ilumoorpaa ? tunisassiorfiit ilaasa, aalisartut akitsuummut akiligassaat matussuserniarlugu, aalisakkat akii qaffaannarsimagaat ?

(Inatsisartunut ilaasortaq, Anthon Frederiksen, Partii Naleraq)

Tunngavilersuut:

Tamanit ilisimaneqarpoq, aalisarneq nunatsinni inuussutissarsiutit pingaarnersaraat. Taamaammat pingaarutilerujussuuvoq aalisakkat isumatuumik inuiaqtigiinnut tamarmiusunut iluaqutaanerulernissaat anguniassallugu, minnerunngitsumik aamma avammut niuernermi tunisassiat piariinganerullutik avammut tunisassiarineqartarnissaat.

Kommunerujussuit pilersinneqarmata, siunertat anguniakkallu ilagaat, suliassaqarfitt akisussaaffiillu ilaasa Namminersorlutik Oqartussaniit kommuninut nuunneqarnissaat.

Taamaammat pissusissamisoorpoq, aalisarnermut allagartat, aalisagartassiissutillu kommuninit agguanneqartalerpata, taakkua aalisartut piqatigiiffii qanumut suleqatigalugit aalisagartassiissutinik agguasinnaanerat piviusorsiornerusumik ingerlanneqarsinnaammatt.

Nunatta nammineernerujartornissaa tamanit anguniagaavoq, taamaattumik pisortat ingerlataasa ilaasa namminersortunngorsarnissaat pisariaqarpoq.

Tassami sinerissap ilaani tunisassiorfeqarnikkut kalaallit nammineersinnaaanerat arlalitsigut takutinnejartareerpoq, taamaammat Royal Greenland-ip pigisaasa aalisartunit innuttaasunillu ingerlanneqalersinnaaanerat nammineernerulernissamut alloriarneq pingaarutilik piviusunngortinneqarsinnaassammat.

Ukiut siuliini ESU annertuumik aalisartunit atorluarneqarsimavoq, kisianni ukiuni kingullerni ESU annerusumik isumalluutaajunnaarsimavoq, taamaammallu aalisariutinik nutarterisinnaaneq kinguaattooqqavvoq.

Taamaammat aalisartut aningaasaleeqataanerisigut aalisarnermut aningaasaateqarfimmi pilersitsisoqarsinnaanera anguniarneqartariaqartoq isumaqarpugut.

Aalisariuterpassuit aamma angissutsimikkut assigiinngitsut, pingaartumi sinerissamut qanittumi atorluarneqaqisut, inatsisitigut piumasaqaatit naapertorlugit kaldesignal-iisa

inissisimaffii ajornartorsiutaasartut paasinarpooq, taamaattumik taakkua eqaannerusumik iluarsiivigineqarsinnaaneri pisariaqarsorinarpooq.

Apeqquuit 11 aamma 12-mut tunngatillugu Naalakkersuisut akissutaat , apeqqut nr. 83, 14. marts 2016-imeersoq innersuussutingaara.

Ullut suliffiit qulit qaangiutinnginnerani akineqarnissara kissaatingaara.